



Дастава

№ 149 (2413)

1991 ЙИЛ 12 ДЕКАБРЬ

ПАЙШАНБА

БАҲОСИ 10 ТИЙИН

АФҒОНЧИЛАР

ЙИҒИЛИШМОҚДА

Улар ҳақиқий урушни кўрдилар. Енаётган уйлар, дарахтлар, ўт-ўланлар, одамлар... Ирмоқ бўлиб оқаётган қонлар. Оловдан, тутундан қорайган юзлар. Ингроқлар, титроқлар... Даҳшат.

Бола бўлиб кетишганди, улғайиб қайтишди. Сочлари ҳам барвақт оқарди уларнинг. Қулоқлари тагида визиллаб учаётган ўқлар, оёқлари остида портлаётган миналар, қўлларида жон бераётган таниш, қадрдон сиймолар ҳамон тушларига кириб, тасодифларда омон қолган вужудларини ўртагани ўртаган.

У вақтлар, урушга бормасидан аввал, дўсту душман нима, гурур, меҳр нима, оқибат, шаън нима, обрў, Ватан нима эканлигини билишмасди.

Улар тийрак кўзлари билан юртимизда бўлаётган салбий воқеаларни тезда илғаб олдилар.

Виждон амри билан юртимизда тобора кўпайиб бораётган жиноятчиликка қарши курашишга аҳд қилишди. Юртини, халқини қақшатаётганлар билан мурасасиз жангга киришишди.

Эртага Фарғона шаҳрида ички ишлар вазирлигида хизмат қилаётган афғончиларнинг йиғилиши очилади.

Афғончилар унда бир қатор муаммоларни ҳал қилишади. Чунончи, балогат ёшига етмаганлар билан ишлаш усулларини ўзгартириш, ҳуқуқ-тартиботни мустаҳкамлаш, норасмий уюшмаларда, болалар уйида профилактик ишлар савиясини ошириш, қаровсиз ўсмирларни тўғри йўлга солиш ва ҳақозолар хусусида аниқ тадбирлар ишлаб чиқиш, ҳақида маслаҳатлашиб олинади.

Бундан ташқари мавжуд камчиликлар рўй-рост айтилиб, уни бартараф этиш чоралари кўрилади.

Маълумки, афғончилар дидлиги, матонатлиги, ботирлиги, ватанпарварлиги, «кўпни кўрган»лиги билан ҳам тенгдошлари, катталар орасида ўзгача ҳурматга эгадирлар. Аминмизки, жанггоҳларда тобланган афғончилар ўз олдига қўйган вазифаларни ҳалол бажарадилар, Ёш ходимлар ҳам улар изидан боришга интиладилар.

Қодир МУҲАММАДЖОНОВ.



ЖАСОРАТ МАКТАБИ

(Суратли репортаж)



1. Тошкентдаги ёнғиндан сақлаш-техник билим юртининг ташкил топганига эндигина олти йил тўлди. Бироқ бу қисқа вақт ичда унинг доврўғи бошқа жумҳуриятларга ҳам таралди. Шу сабабдан бўлса керак, бу билим юртида таҳсил олувчи 400 нафарга яқин ёшларнинг ярмиси Тожикистон, Туркменистон, Қозоғистондан келишган.

Аммо бу ерда ўқиш осон эмас. Чунки билим юртида касб ўрганишдан ташқари ҳарбий хизмат ҳам ўталади. Машгулотлар, дам олишлар, ҳамма ҳаммаси қатъий тартиб-интизомга асосланган.

«Машқда қанчалик оғир бўлса, жангда шунчалик енгилдир», — деган нақл бор ҳарбийлар орасида. Бу ҳикоятли сўзлар мазкур билим юртига ҳам тегишли. Зеро, заҳматларсиз, қийинчиликларсиз ўт ўчирувчилик касбининг етук устаси бўлиш амри маҳол. Шунинг учун ҳам талабалар, манови суратларда кўриб турганингиздек, машқ чоғлари астойдил, ишонч ва матонат билан ҳаракат қиладилар.

(Давоми 2-бетда).



МУҲОКАМА

ҚИЛИНДИ

Андижон вилояти ички ишлар бошқармаси жамоасининг умумий йиғилиши бўлиб ўтди. Унда Президент Ислом Каримовнинг жумҳурият фуқароларига мурожаати ўрганиб чиқилди ва муҳокама қилинди.

Йиғилиш қатнашчилари И. А. Каримов номзодини бир овоздан маъқуллашди ва қўллаб-қувватлашди.

Қисқа сатрлар

Олим машинасига ўтирдию бир неча дақиқадан сўнг шахт билан ундан отилиб чиқди. Ҳаяжондан тутилатутила бир амаллаб Жиззах шаҳар ИИБ навбатчисига воқеани тушунтирди.

Оператив гуруҳ Олимнинг уловидан «Гродно-302» белгили магнитофон, 2 та колонка ва кассеталарни ўмарган ўғрини тезда қўлга олишга муваффақ бўлди.

Жиззах туманидаги Ленин номи давлат хўжалигида жойлашган наслчилик ишлаб чиқариш корхонаси кўйхонасидан 8 бош ҳисори кўйлар ўғирланганлигини билган қўноқларнинг жонлари ҳалқумига келди.

ЖҚБ ходимларининг жонбозлиги туфайли кўйлар гўшт бўлмасдан тирикликча эгаларига қайтарилди.

Ушбу тумanning Учтепа даҳасида жойлашган «Ленинград» кўп молли дўконига оралаган кўланкалар ҳар бири 89 сўму 40 тийинлик, тилла суви юритилган соатнинг 30 тасини, донаси 75 сўмлик видеокассетанинг 4 тасини ўмариб, кўздан ғойиб бўлишди. Жами 2980 сўмлик молларни Р. Давлатов, В. Ҳаюмов, Аскар Отабоевлар ўғирлашгани аниқланди.

ЎЗБЕКИСТОН РЕСПУБЛИКАСИНING ҚОНУНИ

ЎЗБЕКИСТОН РЕСПУБЛИКАСИ МАЪМУРИЙ ҲУҚУҚБУЗАРЛИК ТУҒРИСИДАГИ КОДЕКСНИНГ 128—1-МОДДАСИГА УЗГАРТИШ КИРИТИШ ТУҒРИСИДА

Транспорт воситаларининг ички жиҳозларини бузганлик учун жавобгарликни кучайтириш мақсадида Ўзбекистон Республикаси Олий Кенгаши қарор қилади:

Ўзбекистон Республикасининг 1985 йил 13 декабрдаги Қонуни билан тасдиқланган Ўзбекистон Республикаси маъмурий ҳуқуқбузарлик туғрисидаги кодексининг (Ўзбекистон Республикаси Олий Советининг ведомостлари 1985 йил, № 35, 411-модда; 1986 йил, № 29, 350-модда) 128—1-моддасига ўзгартиш киритиб, у қуйидаги тахрирда баён этилсин:

«128—1-модда. Транспорт воситаларининг ички жиҳозларини бузиш.

Пассажир вагонларининг ички жиҳозларини, локомотивлар ҳамда вагонларнинг ойналари бузиш —

беш юз сўмдан минг сўмга

ча миқдорда жарима солишга сабаб бўлади.

Кемалар ҳамда авиалайнерларнинг ички жиҳозларини бузиш —

беш юз сўмдан минг сўмга миқдорда жарима солишга сабаб бўлади.

Автобусларнинг, маршрут таксиларининг, таксилар ва шаҳар электр транспортининг салонларидаги ҳамда метрополитен вагонларидаги ва махсус транспортнинг ҳамма турлариндаги ойналар ва ички жиҳозларини бузиш —

минг сўмдан икки минг сўмга миқдорда жарима солишга сабаб бўлади.

Жарима ундириб олинини айбдорни етказилган моддий зарар суммасини, тўлашдан озод этмайди.

Ўзбекистон Республикасининг Президенти

И. КАРИМОВ.

Тошкент шаҳри,
1991 йил 20 ноябрь.

НИЯТ ХОЛИС, МАҚСАД ЯҒОНА

Қиш фасли бошланганига қарамай бугун тонгдан чарқаб чиққан қуёш илк баҳорни эслатади. Узоқдан оппоқ қорлар билан қопланган тоғлар мовий осмон чиқиқлари билан уйғуллашиб, ажиб бир ранг касб этганки, беихтиёр руҳан тетиклашаётганини, фикрларинг тиниқлашиб, вужудинг енгиллашаётганини ҳис қиласан.

Агарда ушбу манзарани акс эттиришга рассом жазм қилганида эди, аминманки, бўёқ кучи ожизлик қиларди.

Автобусдан тушиб, Паркент тумани ИИБга пиёда йўл оларканман, сервизор тоғларга тобора яқинлашавераман. Бағридаги қорлар гўёки қор эмас, осмондан узилиб тушган оппоқ булутларга ўхшайди.

Бўлимда сокинлик. Бошлиқ туман ижроқўмида ўтказилаётган ота-оналар кенгашида иштирок этаётган экан. Унинг ўринбосари милиция майори Тўлқин Норбоевдан туман ИИБ ходимлари олиб бораётган ишлар ҳақида сўрадим.

— Бу йилда бир қанча тадбирларни амалга оширишимизга қарамай жиноятчиликнинг кўпайганлиги маълум бўлди.— деб суҳбатни бошлади Тўлқин ака.— Шундай қайд этиш лозимки, бу ўсмирлар томонидан содир этилган ўғирликлардир. Шу сабабли ҳозир бутун этиборимизни воёга етмаганларни ҳуқуқий тарбиялаш ишига қаратмоқдамиз. Туман кенгашида ўтказилаётган бугунги йиғилишдан мақсад ҳам ана шу. Ўзингизга маълум ҳар бир шаҳар, туман ижроқўми қошида воёга етмаганлар билан ишлаш инспекцияси мавжуд. Қуни кеча у ерда ҳам ИИБ, корхона раҳбарлари, маориф ходимлари билан биргаликда ўсмирлар ўртасида жиноятчиликнинг кўпайиш сабаблари, унинг олдини олиш бўйича нималар қилмоқлик хусусида маслаҳатлашиб олинди. Унда ёшлар билан бевоҳида шуғулланиши лозим бўлган инспекция ходимларини вазиқасидан ташқари ишларга жалб қилмаслик, болалар билан ишлаш учун барча имкониятларни яратиб бериш, билим юрти, мактабларда профилактик ишларни кучайтириш, ҳуқуқий саводхонликни ошириш каби қатор масалалар ижобий ҳал қилинди.

Шу билан бирга тумандаги қишлоқ мактабларининг олисларда жойлашганлиги, йўл шароитларининг огирлиги, тоғли иқлим ҳисобга олиниб, инспекция ходимларига маҳаллий бюджет ҳисобидан автоулов ажратишга келишилди. Агар ходимларимизга ишларни учун зарур шарт-шароитларни яратиб берсак, унинг натижасини ҳам қаттиққўллик билан сўрашга ҳақимиз бўлади.

Тўғри, ИИБда ёшлар орасида жиноятчиликнинг олдини олиш борасида қилинаётган ишлар масқовга арзиғулик. Айниқса, бунда ота-оналарни ҳам бола тарбияси билан шуғулланишга қайиштириш. Мени қийнайдиған яна бир нарса бор. Негадир ҳукумат раҳбарларимиз фойдали ақлли, пухта гоёларни эпитмайди-ю, ҳавойи, кони зарар маслаҳатларни ҳамма ёқда шиор қилади. Мана, нахотки, оналарнинг иш соатини қамайтиришу озгина кўпроқ пул тўлаш гоёси зарарли бўлса. Ахир, ўша аёл бу ҳимматни сезиб, фарзанд

тарбияси учун кўпроқ вақт ажратмайди дейсизми? Қолаверса, боланинг она, онанинг бола ёнида бўлишининг ўзи катта гап эмасми?

— Ўсмирлар учун энг огир жазо,— дея суҳбатни давом эттиради Тўлқин ака.— бу ўртоқлари, ота-онаси, маҳалла аҳли олдида муҳокама қилинишидир. Бу ота-она учун ҳам яхши сабоқ. Яқинда бир тўйда 6 нафар ўсмир бир-бири билан муштлашганлар. Уларнинг барчаси ота-оналари билан биргаликда маҳалла жамоатчилиги олдида муҳокама этилди. Бу энди уларнинг ҳар бир ҳаракатига қўни-қўшни ҳам жавобгар дегани.

Бозор иқтисодиёти, нарх-навонинг кескин кўтарилиши ҳар нарсага ўч, қизиқ-қон болаларга ҳам таъсир қилмай қолмаган. Лекин қонунда қоши бу кўрсатилган бўлса. Бир томондан чайқовчиликнинг авж олиши ҳам улар онгида нохуш фикрлар туғилишига сабабчи эмасмикан? Шу ерга келганда бир нарсани қистириб ўтмоқчиман.

Бизда йиллар давомида пулдан ҳазар қилишга тарғиб қилинди. Пул ёмон, одамни бузади, балобаттар дейишарди-ку, бироқ бир жуфт ашулага нон ҳам беришмасди. Икки тийнинг етмаса, нарса ололмасдинг уч тийнинг ортиқ берсан, қайтиб беришмасди. Бу ҳам майли, энг ёмони, уч ой бўш юриб (қишлоқ болалари бундан мустасно), ота-онангга ҳам, ўзингга ҳам фойда келтирмайсан. Хўш, бола ўзинга яраша юмуш топиб ишласа, нимаси ёмон? Негадир ота-она ёнига олиб, қолхўзда чопиқ чоптирса, ўз боласини эксплуатация қилган бўладию қор ёққанда ҳам давлат пахтани тердирса, эксплуатация бўлмайди. Шунга айтсалар керакда: «Товоғи синса йиғлайди-ю, лагани синса иши йўқ»,— деб. Э, гапирверсанг, гап кўп.

— Ҳозир туманимиз савдо тармоқларига келаётган барча моллар устидан қатъий назорат ўрнатилган. Ишчи назорати гуруҳлари, участка инспекторлари, ДАН, ВХСС ходимларининг биргаликдаги олиб бораётган ишларидан ҳамма мамнун. Шундай фаол маҳаллалар борки, ўз ҳудудига жойлашган дўкон сотувчисининг нотўғри, қонунга зид ишларини жамоатчилиги ўртасида муҳокама қилишмоқда. Ҳатто қўли эгриларни бўшатиб, ҳалол, пок одамларни тайинлашмоқдалар. Афсуски, бу борада ҳам айрим участка инспекторларининг улар билан ҳамкорлиги етарли даражада эмаслиги билиниб қолди.

Ҳозирги иш услубимиз олдингилардан тубдан фарқ қилади, албатта. Халқ катта куч, уни тўғри йўлга сололсак, жамиятнинг ривожини янада тезлашарди. Тақчиллигу чайқовчиликка, бошқаларга ҳам тезроқ нуқта кўйардик,— деб суҳбатни якунлади. Т. Норбоев.

Ҳа, халқнинг хоҳиш-иродасига зид иш қилиш яхшиликка олиб келмаслиги аниқ. Улар эса бир нарсани — тинчлик, арзончилик, тўқин-сочинлик, мул-кўлчилик, меҳр-оқибату имон-инсоф бўлишини хоҳлайдилар.

Туман милиция ходимларининг ҳам ниятлари битта— осойишталикни сақлаш, жиноятчиликка, халқ мулкни талон-торож қилишга йўл қўймадлиқ.

М. ИБРОҲИМОВА.



(СУРАТЛИ РЕПОРТАЖ)

2. Енғидан сақлаш-техник билим юрти энг замонавий ўқув-техник воситалари билан жиҳозланган бўлиб, талабаларнинг янада чуқуროқ назарни ва амалий билим олоғига мустаҳкам замин тайёрланган. Электр аппаратлар билан тил топиша билиши, химоя воситаларидан моҳирона фойдаланиш бўлажак ўт ўчирувчи зобитлар учун сув ва ҳаводай зарур.

Ҳамма ўқув даргоҳларида бўлгандек, бу ерда ҳам талабалар ўз билимларини имтиҳон ва синов пайтлари яна бир карра мустаҳкамлаб, устозлар олдида ўтадилар. Ушбу суратли лавҳаларда иккинчи курс аълочи талабалари Сиёмиддин Ҳайдаров ва Дмитрий Куяновлар ўз билимларини намойиш этаётган чоғлари тасвирланган. (Давоми 3-бетда).



ҲАЛОКАТ САБАБСИЗ БЎЛМАЙДИ

1990 йил 13 октябрь кунини Жиззах-Ховос йўлининг темирйўл билан кесинган жойида автобус юк поезде билан тўқнашди...

Бу Жиззах вилоятидаги фожиа.

Наманганда-чи? 2 октябрь кунини Дўстлик шоҳжўчасида автобусда ёнғин юз берди...

Бир неча йил муқаддам Наманган-Тошбулоқ йўлидаги тор кўприкда автобус билан ағдарма машина ҳайдовчилари йўл талашишган эди. Бу эса автобусда ўтирган бир оила — 8 кишининг ҳалок бўлишига олиб келди...

Задарё туманида жамоа хўжалиги юк автомобилли пахтакорларни олиб кетаётганида зовурга ағдарилди... 9 киши ҳалок бўлди.

Бундай мисолларни кўлаб келтириш мумкин. Буларнинг ҳаммаси қонун-қондан менимаслик, унга амал қилмаслик сабабли рўй бермоқда.

Қўза кунда синмайди...

Поп тумани марказидаги шоҳбекатда 12-автокорхонанинг Поп-Чоркесар йўналишида қатнайдиған автобусга йўловчилар чиқарилмоқда. Уловдаги беш шинанинг нақшлари ейилиб кетган. Ўт ўчиргич йўқ. Руль бошқармасининг кучайтиргичи бузуқ. Шу ҳолатда автобус тоғли йўлга одам ташишга қўйилган. Ҳайдовчи Таклиф Хосиятов эса: «Тўғрилай оламан, ҳозир тўғрилайман» — дейишдан нари ўтмади.

Буюртмада одам ташиётган 45-67 НАД рақамли автобусда аптечка, ўт ўчиргичлар йўқ. Тормоз эса теткин иккинчи бор босгандаги-

на ишлайди. Ҳайдовчи Рўзимбой Арабовдан:

— Нега бу аҳволда одам ташишга чиқдингиз?— деб сўради.

— Заказга чиқдим-да, — деди у.

Гўёки «заказ»га чиққанда ҳаммаси мумкиндай. Автокорхонанинг бош муҳандиси Холматжон Содиқов билан учрашдик. Унга ана шу нуқсонларни айтсак, оғзинга талқон солгандай тураверди. Унинг гувоҳлигида одам ташишга чиқиб кетаётган такси ҳайдовчиси Набижон Қамбаровдан: «Аптечка, ўт ўчиргич борми?»— деб сурадик, «Бор»,— деди. Кўрсатишни таклиф қилдик. У бўлса: «...Уйда қолибди»,— деди. Ҳар ҳолда унинг хавфсизлиги ғамини қилиб қўйибди. Аммо йўловчиларчи?

57-автохўжалик, 17-автобус паркида ҳам аҳвол шундай.

Бизни ҳайратда қолдирган яна бир нарса, давлат тилига муносабат бўлди. Режалар, буйруқлар 17-автобус паркида ҳануз рус тилида олиб борилар экан. «Нега бундай, қачон давлат тилига ўтишни бошлайсизлар?»— деган саволимизга:

— Бизга, ўшагдан (бирлашма томонни кўрсатиб) русча келади. Биз ҳам шундай тайёрлашмиз,— дейишди Р. Болтабоев, П. Мирраҳимовлар.

«Ушагдан» келган кўрсатмаларни ҳайдовчиларга қандай тушунтирасизлар?

— Ушандай ўқиб берамиз,— деди бош муҳандис М. Нурматов.

ИБРАТ

Оқдўрғон шахрида Абдукарим Қутбоевлар оиласини ҳамма ҳурмат билан тилга олиши бежиз эмас. Абдукарим ака ва Ҳайригул аяларнинг турмуш қурганларига ўттиз йилдан ошди. Уй соҳиббаси Ҳайригул ая 25 йил жамов хўжалигида оддий қолхўзчи бўлиб ишлаган бўлса, Абдукарим ака ДАНБ инспектори вазиқасида меҳнат қилган. Ҳозирги кунда вилоят ИИБ ДАНБ катта инспектори лавозимида.

— Ҳар кунни эртароқ келармикан, дея кутаман,— дейди Ҳайригул ая.— Тўғри, осонмас жиноятчилар билан курашиш. Бэзан ҳориб, чарчаб келиб, овқат ҳам емай дастурхон устида ухлаб қолган вақтлари бўлган.

Ҳа, жиноятчиликка қарши курашиш осон эмас. Бу йўлда асаблар ҳам, сабр-бардош ҳам чиниққан бўлиши лозим.

Мана ҳар галгидек бугун ҳам Абдукарим ака муҳим топшириқ билан оператив гуруҳ аъзоси сифатида йўлга чиқди.

Жиноятчилар қуролланган. Ҳар бир ўтган улловни синчковлик билан кўздан кечирishi лозим.

Тонгга яқин жиноятчиларнинг бири қўлга олинди. Ҳамма энгил нафас олди. Роппарса соат бешда гуруҳга рўхсат берилди. Абдукарим ака уйга яқинлашиши билан Ҳайригул ая эшикни очди.

— Қўшни бўлиб яшаётганимизга йигирма йилдан ошди,— дейди ҳамсояси Мусабек ака Сафаров.— Шу вақт ичида на фарзандлари, на ўзлари, кўёлари, келинлари орасидан гап-сўз чиққанини эслай олмайман сира. Одамзотнинг бунчалар маданий, тарбияли, ахлоқий бўлганидан ҳайрон қоламан. Уларга қараб туриб ҳавасим келади.

Ҳа, бу оила ҳавас қилса арзиғулик. Негаки бадик бошдан, деган нақл бор. Ота-она ўртасидаги одоб, самимий муомалани кўрган бола ҳам шу йўлдан юришига шўйди йўқ. Жанжалли уйдан эса баракагина эмас, одам ҳам қочиб кетади.

П. ЭРҒАШЕВ.

17-автобус парки ҳайдовчилари томонидан йўл ҳаракати қодаларининг бузилиши охиб кетишидан раҳбарлар ҳам ҳайрон... 1990 йилнинг 10 ойда 500 марта қонда бузиш ҳоллари содир этилган бўлса, бу йилнинг ўн ойда 800 дан охиб кетган.

Биз раҳбарият йўл ҳаракати хавфсизлиги борасида қайғурмаяпти, ишламаяпти дея олмаймиз, чунки бу йилнинг ўтган даврида Д. Садридинов, А. Абдукаримов, Х. Ягафаров, М. Қоламазовлар паркдан автобус бошқариб чиқиб кетаётганларида озиларидан ароқ ҳиди аниқиб турганлиги аниқланди ва чора кўрилди. 15 ноябрь кунини шу парк ҳайдовчиси Турсунбой Тўрабоев шахсий автомобилни ўта маст ҳолда бошқариб кетаётганида ушланди. На чора. У қилмишига яраша жазо олди. 36 ойга транспорт воситаси бошқаришдан маҳрум этилди.

Нима бўлганда ҳам ҳайдовчилар ўртасида хавфсизлик муҳандислари кенг тушунтиришни тўхтовсиз олиб боришлари, йўлда назоратни кучайтиришлари зарур. Раҳбарлар эса бунинг учун барча шарт-шароитни яратмоқлари лозим.

Сизнинг бизнинг ҳаётимиз ана шу ҳайдовчиларнинг қўлида. Чунки кўчага чиқсак, ҳаммамиз йўловчи бўламиз. Зеро бу ном зиммамизда экан тақдиримиз ҳам ҳайдовчининг қўлида... Инсофни шуларга берсин. **Неъматжон МАМАЖОНОВ,** милиция майори.

ЛЎТТИБОЗ

Жиззах шаҳар алоқа-материал техник таъминоти идорасида юз берган ўғирлик тезда бутун шаҳарга ёйилди. Нойнсоф ўғирлар нуқул хорижий техник матоҳларни ўмарганини айтмайсизми. Ҳар бири 8800 сўмлик японлар ишлаган автомагнитофондан 4 донаси, 9100 сўм турадиган автоматик жавоб берувчи телефон (бунақасини тушингизда ҳам кўрмайсиз), «Самсуи» белгили видеомагнитофон эса телевизор билан гумдон қилинганди.

Хуллас, бу омбордан жами 42.780 сўмлик моллар ўғирланган. Бу воқеа ҳаммадан ҳам омбор мудирини ўролбой Абдуллаевни эсанкираиб қўйганди. Шўрлик бошини чаңгаллаганча, йиғлагудай бўлиб милиция ходимларига ялинарди.

— Расво бўлдим. Агар уларни топиб бермасанглар, хонумоним куяди. Войдод, энди нима қиламан-а... Кўнглим ўзи сезгандай бўлди-я... Неча марта шу мурдирликни ташлай, дегандим-а...

Оператив гуруҳ вакиллари фиғони фалакка чиқаётган омбор мудирига ачиниш билан қарар, уни юпатишга сўз топишолмай қийналишарди. Қани бу матоҳлар тезроқ топилаю ўролбойнинг олдида юзлари ёруғ бўлса.

Бузилган омбор эшиги, буюмлар турган жойлар сичиклаб кўздан кечирилди. Гуруҳ аъзолари бир муддатга йиғилишди. Бир неча дақиқалик суҳбатдан сўнг ўролбойнинг уйига «мехмонга» отланишди.

Идорадаги омбор омбор эмаскан, уйи омборхона бўлиб кетган экан. 3 та дипломат очиб кўрилганда, алоқа тармоқларини сошлаш қуроллари билан тўла эди. 2 дона «Электроника» осма деворсоат, 5 та чет элда ишланган телефон аппарати, 2 та электр кўнғироқ, электр ўлчлагич, 40 та электр лампаси, «Илга» радиоласи колонкаси билан, 6 та «ВЕФ-12» телефон аппарати, 1 та йиғма стол, ёзув машинкаси хона саҳнига териб қўйилди.

Рағида-рағ қолмаган омбор мудирининг бу гал тили гапга айланмас, фақат:

— Шу омборчиликни ташлай, дегандим-а,— дерди.

Ўғирликка алоқадор Кўчқор Урдушовнинг ҳам уйи текшириб кўрилганда, «Самсуи» белгили видеомагнитофон телевизори билан чиқди. Кўчқорга буларни ўролбойнинг ўзи бериб юборганлиги маълум бўлди.

Ҳадемай лўттибоз ўролбой суд олдида жавоб беради.

Нур БАДИА.

(Суратли репортаж)

3. Ёнғиндан сақлаш-техник ўқув юртининг ўқитувчи-зобитлари ҳам вазифаларига юксак масъулият билан ёндашадилар. Малакали кадрлар тайёрлашнинг энг муҳим омилларидан бири худди шундадир. Ўқитувчилар ҳар бир машғулотлар олдида кенгашсалар, маслаҳатлашсалар, ўқув жараёни лухта ўтади.

Саҳифамиздаги суратлар, да билим юрти бошлиғининг ўринбосари подполковник В. Киселев ва ёш ўқитувчи капитан И. Бориевлар қизғин баҳс юритаётгани, шунингдек, тажрибали муаллим подполковник Р. Хусановнинг учинчи курс талабаларига биринчи ёрдам мавзуси бўйича амалий сабоқ бераётгани акс этган.

(Давоми 4-бетда).



Ҳурматли муҳарририят ходимлари! Сизларга мактуб йўллашга «Чайқовчи барқ урса» номли мақола даъват этди. Фақат сизлардан илтимосим исм-шарифимни тўлиқ кўрсатманглар.

Мен бир нарсага ҳайронман. Нима бизларда чайқовчиликка қарши қонун бекор қилинганми!

Масалан, Қўқон шаҳар бозорига тушсангиз, одамнинг жонида бошқа ҳамма нарса-

БЕДОДЛИК

ни топишингиз мумкин. Одий меҳнаткашининг қонини сўраётган бу чайқовчилар молларини қаердан олишяпти! Ахир, ўз шахсий фабрика, заводларига эга эмас-ку! Милиция ходимларининг эса улар билан иши йўқ.

Яна бир қизиқ томони шундаки, бозорда фақат шаҳар-

ликлар савдо қилишади. Четдан келган савдогарни ўша захотиёқ БХСС ходимларига тутиб беришади. Бундан чиқди БХСС ходимларининг шаҳарлик чайқовчилар билан тили бир экан-да. Дўкон пештахталари бўшаб ётган бир пайтда чайқовчиликнинг бунчалар барқ уришининг сабаби нимада! БХСС ходимларининг кучлари етмаса, бу ҳуқуқни фуқароларга берсин.

Э. Н.

ҲАРАКАТЛАР ЗОЕ КЕТМАДИ

6 августга ўтар кечаси Олмалиқ шаҳар ИИБга келган хабар навбатчилик қисми ходимларини ҳам, шу кечада бўлибда масъуллик вазифасини бажараётган бошлиқ ўринбосари милиция подполковниги Эргаш Эркаевни ҳам ўйлантириб қўйди. Номалум шахслар Олмалиқ мебель комбинатининг маъмурий биносида жойлашган хазинанинг деворини бузиб кириб, пулат сандиқ ичидаги ишчи-хизматчиларнинг маоши — 41395 сўм пулни ўғирлаб кетишибди.

Бу ҳақда вилоят ИИБга хабар қилинганда, у ердан тезда ёрдам етиб келди. Тезкор-тергов гуруҳи режа ва тахминлар асосида қидирув ишларини бошлаб юборишди. Иш вилоятнинг бир қатор департаментларида олиб борилди.

Кунлар кетидан кунлар ўтаверди. Вақт ўтган сайин жиноятчиларнинг топилишига бўлган умид ҳам сўниб борар, гўёки, давлатнинг шунча пули уларнинг жиғилдоғида ҳал бўлиб кетгандек эди.

Лекин бундай бўлиб чиқмади. Август ойининг охирида қўлга олинган Н. ва А. исмли шахслар шу жиноятни содир этишганини бўйинга олишди.

М. МИРСОВУРОВ.

ХИЁНАТ

Ўзбек илмосида бир сўзни битиш жуда оғир. У ҳам бўлса хиёнатдир. Аммо иқтисодий тағлик ҳукм сурган бугунги шароитимизда хоҳламасанг ҳам бу ҳақда ёзишга мажбур бўларкансан.

Шу йил 29 сентябрга ўтар кечаси Қўва шаҳрида шундай кўнғилсиз ҳол юз берди. Яна қаерда денг, кўзи ожизлар жамиятига қарашли корхонада. Айвон тағида турган «Москвич-412» белгили 27-57 ФЕН рақамли автомобилнинг икки ёлдираги ўғирланиб, «чўлоқ» қилиб кетилди. Қоровул Абдуқром Холматовнинг ўз вазифасига совуққонлиги қимматга тушди.

Қўл қовуштириб ўтириб бўлармиди?

Дарров ИИБ бошлиғи ўринбосари милиция майори Валижон Холбеков раҳбарлигида оператив гуруҳ тузилди. Роппа-роса 72 соатлик қидирув натижасида 1969 йилда туғилган Дилшод Жалилов ва 1968 йилда таваллуд топган Мурод Қодировлар қўлга олинди.

Р. РАҲИМОВ,
милиция катта сержанти.

Бефарқ бўлишмасам...

— Сергей Артемьев-ку, — деди улардан бири. — Яна «курорт»ни соғиниб қолибди-да, хумпар.

Бояги йигит боққинчининг қўлидан тушиб қолган тақинчоқни ердан оларкан, милиционерларга бир нима-лар дегаҳ, қиз томонга юра бошлади.

— Мана, синглим, тақинчоғингиз, — деди қизга қараб, — кўрқмасангиз ҳам бўлади.

Ҳали ҳам титроғи босилмаган қиз унга эргашди. Яқин жойдаги таянч пунктига етганларидан сўнг танишиб олишди. Маълум бўлишича, йигит — Неъматжон Мирзаев — шаҳардаги Фрунзе даҳасида ҳудуд инспектори бўлиб ишларкан.

Кўринишидан йигирманчи баҳорни кечагина кузатган бу йигитни менга таништиришган кун ҳам ўзи масъул бўлган ўрамдан яна бир «гирдоб»ни эндигина фох

қилиб қайтган экан. Неъматжоннинг айтишича, Авиация кўчасида яшовчи Максимова деган кимса уйда катта миқдорда, яъни 108 қоп қанд ва шакарни «димлаб» олиб, улардан тайёрланган спиртли ичимликни пуллаётганда қўлга олинди.

Қўлбола ичимлик устасини қўлга олиш жараёнида 4 та музлатгичга босиб жойлаштирилган гўшт, қопларда совун, ўнлаб 20, 10, 8 литрли шиша идишларда қўлбола ичимлик, ароқ ва коньякнинг бўш шишалари, ичимликлар қувватини ўлчовчи турли асбоблар топилибди. Бир сўз билан айтганда, Неъматжон бу гал «ишбилармон корхона»га ташриф буюрганди.

— Аслида «корхона» соҳиби нафақахўр экан, — дейди мен билан суҳбатда Неъматжон Мирзаев. — Лекин қилган иши ҳайратдан оғиз очилгудек.

Суҳбатимиз мавзусини бошқа ёққа бурдим:

— Кўкрагингиздаги «ИИБ»даги аъло хизмати учун» нишонини қачон беришган?

— Бу воқеага анча бўлди, — дейди Неъматжон. — Ўша вақтда шаҳар ички ишлар бўлими томонидан Қирғули туманида содир этилган қотилликлар тўғрисида хабарлар қайд қилинган эди. Лекин қилинаётган уришлар самара бермас, қотил шахси аниқланмаётган эди. Худди ўша кезлари хизмат ҳудудимда яшаётган, 1969 йилда туғилган, муқаддам ўтириб чиққан Давиденконинг юриш-туриши, ҳатти-ҳаракатлари мени шубҳалантирди. У содир этган тартиббузарлиги учун 15 кунлик «дам олиш»га жалб қилинди. Ўша кунни бошлиққа ўз фикримни айтдим. Дарҳақиқат, орадан кўп ўтмай Давиденконинг ўша машғум ҳодисалар сабабчи-

си эканлиги маълум бўлди. Тез орада менга бу нишонни тақдим қилишди.

Неъматжон Фарғона туманининг Миндон қишлоғида таваллуд топган, Чимкентдаги ўрта махсус милиция мактабини яқунлаган. Оилали, бир фарзанднинг отаси, ширинсухан суҳбатдошимга навбатдаги саволни бераман.

— Кўпроқ нима ҳақида ўйлайсиз?

— Одамларнинг ўзидан бошқаларга, чор-атрофга бефарқлигини ўйлайман. Ўғри, биз милиция ходимларига ҳам ёрдам қўлини чўзувчи кишилар йўқ эмас. Лекин гоҳо зарурат юзасидан мурожаат қилсанг, ўзини четга олувчи, ўзга дунёдан келгандек муомала қилувчилар ҳам бор.

Ёш ҳамкасбимнинг сўзларига қўлоқ тутарканман, беихтиёр унга қўшиламан.

М. КИМСАНБОВ,
милиция майори.

Шаҳар кўчаларидан бири. Дам олиш кунни бўлишига қарамай одам кам. Катта йўл ёқасидаги йўлакчада хаёл суриб келаётган қиз даб-дурустдан ўзига ташланган давангирдек йигитни кўриб қўрққанидан қичқириб юборди. Йигит унинг бўйнидаги тилла тақинчоқни бир силташ билан юлиб оларкан, қандай тез пайдо бўлган бўлса, яна шу тезлик билан кўчанинг юқори томонига қоча бошлади. Узоқда келаётган бошқа бир йигит унинг ортидан чопди. Даставвал нима бўлганига тушунолмай дағ-дағ титраётган қиз уларни беихтиёр кузата бошлади.

Бояги нухсанинг кетидан югураётган йигит спортчи эканми кўп ўтмай унга етиб олди. Елкасидан тутди-ю, кўз илғамас ҳаракат билан боққинчининг қўлини орқасига қайирди. Жон аччиғида ҳирқироқ бақирди эшитилди. Худди шу пайт кўчанинг у юзидан шошиб ўтган икки милиционер йигитга ёрдамга келишди.

ГҶДАКДА НЕ ГҶУНОҚ?

Эрталаб тахминан соат 7 ларда туман марказий касалхонасининг «Тез ёрдам» бўлимига Сардоба қишлоғида яшовчи Р. исмли аёлнинг оғир беморлиги ҳақида хабар келди. «Тез ёрдам» ходимлари унинг уйига келиб, бир неча дақиқа бурун фарзанд кўрганлигини тушунишди, лекин чақалоқ кўринмасди. Р. саволларга жавоб бермаганлиги учун уни касалхонага олиб боришди ва у ерда яна гўдакнинг қаердалигини суриштира бошлашди. Савол жавоблардан кейин Р. болани туғиши биланоқ латтага ўраб, уй яқинидаги ахлат ташлаш учун қўйилган тележкага ташлаганини айтди.

Ушбу ҳолат юзасидан туман прокуратураси шу куннинг ўзидаёқ жиноий иш қўзғатди. Суд-тиббидан кўригининг хулосасига кўра, бола соғлом, яшаш учун қобилиятли ҳолда туғилган, лекин унга тегишли ёрдам кўрсатилмагани сабабли бош суяги ва миyasi жароҳатланиб, миясига қон қуйилиш оқибатида ўлган.

Бунга қарангки, Р. оҳирги 40 кун ичида ҳомиладор ҳолатда юриб, бирор бир тиббидан мусассада кўридан ёки рўйхатдан ўтмаган, ҳатто тергов жароғида ўзининг бўйида борлигини билмаганлигини айтди. У билан бир ўйда яшайдиган ота-онани ҳам қизининг оғир оёқлигини сезишмаган эмиш.

Жиноятчиға ҳар хил йўللар билан ўзини ҳамоя қилиш ҳуқуқи берилган, бунга ҳеч ким инкор этмайди. Лекин ўз жибданнинг қотили бўла туриб жиноятчи оқлаш учун баҳона излаган, андишасиз аёл орамизда борлигидан нафратланисан киши.

Ҳаммамизга маълумки, кўп-кўп оналар, бутун бир оилалар фарзандга зор. Улар гўдакни миллатига, динига қарамадан фарзанд қилиб олишмоқда, қолаверса, жамиятимиз ҳам оналари ҳар хил йўллари билан ташлаб кетган гўдакларни ўз қарамоғига олиб, тарбия қилмоқда-ку. Болани тарбиялаб олишдан воз кечишга ҳар хил сабаблар бўлиши мумкин, бу ҳар бир ота-онанинг виждонига ҳавола. Лекин ўз фарзандига қотилик қилиш учун бирор сабаб бўлиши мумкинми? Йўқ! Мумкин эмас.

Юқорида тилга олинган Р. га нисбатан жиноят иши бўйича тергов ҳаракатлари тугаланиб, яқинда туман халқ судига юборилади. Гап унга қандай жазо берилишида эмас, гап унга ўхшаган бағритошларнинг тўғри хулоса чиқариб олишидадир.

Ўтган йилнинг 13 август кунини Сардоба қишлоғидаги

Омонгелди кўчасининг бошлиғи жойида, туман поликлиникасининг орқа томонидаги ахлатхонада ҳам янги туғилган қиз боланинг жасади топилган эди.

Ўз танасида тўққиз ой олиб юрган, бир неча дақиқада ўз фарзандини ахлатхонага ташлаб кетган аёлнинг кимлигини аниқлаш ва тегишли тартибда жиноий жавобгарликка тортиш учун туман ички ишлар бўлими билан бирга олиб борилган барча қидирув ишлари ҳозирга қадар ижобий натижа бергани йўқ. Она номига номуносиб номаълум аёл эса қилган ишига пушаймон бўлиб келгани ёки бу ҳақда маълум қилгани ҳам йўқ. Ва бундай қилишига бизда ишонч ҳам йўқ.

1991 йилнинг 5 январь кунини «Андижон» давлат ҳўжалигининг 2-бўлими даласида янги туғилган ўғил бола жасади топилиди. Ушбу ҳолат бўйича ҳам қидирув ишлари ҳалигача натижа бергани йўқ. Бу ўринда бир нарсани қайд этиш лозимки, одатда воқеа жойида янги туғилган бола жасаидан бошқа из топиб бўлмайди, бу ўз ўрнида қидирув ишларини бир мунча чигаллаштиради. Аммо бу воқеани билганлар камида уч-тўрт киши бўлади, яъни шу аёл билан яқин муносабатда бўлиб юрган эркак, шу аёлнинг онаси, опа-синглиси. Эҳтимолки, у бирон кишидан (кўпинча тиббидан ходимларидан) маслаҳат сўраши мумкин. Лекин бу одамлар иккони борица сир сақлашга ҳаракат қилишади, ҳеч қаерда бу ҳақда гапиришмайди, терговда тўғри кўргазма бермайди. Қотил аёлнинг яқинлари эса жиноий жавобгарликдан кўра эл орасида шарманда бўлишдан кўрқинибди. Аммо бундайларни ҳаётнинг ўзи жазолайди.

Ушбу хабарни ўқиб, ўтган йилнинг 13 августидеги ва шу йилнинг 5 январь кунидеги воқеа тафсилотларидан, яъни икки нафар гўдакнинг қотиллари кимлигини билганлар бу ҳақда Оқолтин тумани прокуратураси ёки ички ишлар бўлимига хабар беришса, кўп савоб иш қилган бўлишарди. Виждон азобидан қутулишарди.

Сиз азиз муштарийлар эса ушбуни ўқиб, ўзларининг муносабатларининг билидирасиз, деб ўйлаймиз.

Б. КАРИМОВ,

Оқолтин тумани прокурори, 1-даражали ҳуқуқшунос.

Т. МУСАЕВ,

Оқолтин тумани ички ишлар бўлими бошлиғи милиция майори.

«СУРАТЛИ РЕПОРТАЖ»



«ЎҶРИДАН САҚЛАНИНГ»

КИССАВУРЛАР «ТУЗОҶИ»ГА ИЛИНМАСЛИК ТЎҶРИСИДАГИ БИР НЕЧА МАСЛАҶАТЛАР.

Усти ёпилмайдиган саватлар, тўрхалталар ва сумкалар, шунингдек, пальто ва калта камзуллариинг устки чўнтакларни қимматбаҳо нарсаларни олиб юриш учун мутлақо ярамайди. Шиминингизнинг орқа чўнтагидан чиқиб турган ҳамёнингиз ҳам кисавурларга осонгина «ем» бўлади.

Хуллас, гап шуки, қимматли нарсаларни кийимларингизнинг ички чўнтакларида олиб юриш...

Сумкангизни ҳеч қачон елкага ташлаб юрмаш. Уни кўлтирнингизга маҳкам қистириб юргангиз маъқул. Дўконлардан фақат кулфкалитли сумкалар сотиб олишига ҳаракат қилинг. Уларнинг ички бўлмалари сурилма занжир ёрдамида беркитилдиган бўлиши зарур. Ҷар сафар ўша ерга олдин ҳамёнингизни солиб, қолган буюмларингизни устига жойлаштириш.

Пул, ҳужжат ва чек дафтларингизни бошқа-бошқа чўнтакларингизга жойланг. Зарурати бўлмаган нарса-

ларни ёнингизда олиб юрманг.

Айниқса, темир йўл ва автомобиль вокзалларида, қўналғаларда ҳушёр бўлинг. Бунақа жойларда бир ҳовуч танга пулни «бехосдан тушириб» юборадиган муттаҳамлар кўп учрайди. Бировга ёрдамлашнинг одат қилган йўловчиларининг кўллари сочилган пуллари териб олишга кўмаклашмаман деб, муттаҳамнинг шериги томонидан осонгина буюмларидан ажралиб қолганларини кейингина пайқашган.

Яна бир нарсани эслатиб қўяйлик. Уйингизнинг калитларини зинҳор-базирҳор ҳўжатларингиз билан битта чўнтакда олиб юрмаш. Акс ҳолда уларни «шилиб» кетган жиноятчи манзилгоҳингиз қаердалигини билиб, уйда йўқ пайтингизни пойлаб туриб, уйингизга кириши мумкин. Ҷа, эшникни сизнинг ўз калитингиз билан очиб...

«Экспресс-дайжест» ҳафталигининг шу йил 13-сонидан олинди. Русчадан Ҷ. АБДУЛЛАЕВ таржимаси.

ламоқчи эмас эдим. Лекин эрим ўғлимга: «Онани шу қилган иши учун ўлдираман», — деганини эшитиб қолдим. Кўрққангиздан яна бир марта уришга мажбур бўлдим.

Сирғали туман халқ суди ишни аτροφлича кўриб чиқиб, содир этган жиноий ҳаракатлари учун айбланувчига беш йил муддатга қамоқ жазосини белгиледи. Шаҳар халқ суди эса жазонини шартлига алмаштиришни лозим топди.

Мана, ҳаммаси ўтди-кетди. Икки ўртада болтабозлигу кўнглихираллиқ қолди, холос.

Менинг ниятим эса хотинлар камроқ уйқусирашса...

ИСРОФИЛ.

(Боши 1, 2, 3-бетларда). Яхши дам меҳнатга ҳамдам, дейди халқимиз. Дарҳақиқат, ёнғидан сақлаш-техник билим юртининг талабалари ҳам оғир машғулотлардан сўнг мириқиб дам олишни севадилар. Уларнинг энг севимли ҳордиқ чиқариш масканларидан бири — кутубхона. Зеро, навқирон ёшлик орзулари кўл ҳолларда китоблардан қувват олади.

Сиз суратларда кўриб турган алл қомат, сервиқор йигитлар дарс пайтида ва кутубхонада.

Луқмон БҶРИЕВ,
Ҷабибулла ШОДИЕВ.

КўНГИЛ ЎРТАНМАСИН ЭКАН

Ўрганган кўнгил ўртанса қўймас, деганларни рост экан. Нега дейсизми? Мана эшитинг.

«Олимпия» ресторанидан «жиндак» отиб чиққан Фердус Нугаевнинг кўнгли ўртаниб қолди. Илгари ҳам судланган бу йигит худди шу кунини (22 июль) Розия Ҷиёсидинованинг уйига кириб, 4315 сўм 71 тийинлик мол-мулкни ўмарди.

Собир Раҳимов халқ суди бу ишни кўриб чиқиб, Ф. Нугаевни «дам олиш»га жўнатди. Айтинг-айтинг, унинг кўнгли кейин ҳам ўртанмасин-да!

У. МИРҶАМЕДОВ.

МАДАНИЙ ҶОРДИҚ

Тоза ҳаволи, хушманзара, сўлим боғлар бағрида дам олишни ким хоҳламайди дейсиз? Ёнингда ҳамфирқларнинг, ёшлиқдан бирга ўсган ўртоқларинг бўле янада яхши. Бунинг устига тайёр машинада. Зўр-ку!

Табнат кўйинида ҳордиқ чиқаришга бел боғлаган Н. Шо-зокиров, Ф. Соатов ва Г. Йўлдошевлар шу ниятда Паркентда жойлашган «Кумушкон» дам олиш уйига жўнадилар. Уларни билан керакли масаллиқларни харид қилишди. Ароқ ҳам эсларидан чиқмади. Ахир, бусиз дам олиш маданий бўлмай ёввойилашиб кетадида.

Қароргоҳ топишиб, нарсаларни туширишдида, ишларни бўшатишга киришди. Унови ҳам гандираклар ошга уннадилар. Тоза ҳаводан маст бўлганми ё ароқданми Нурилла қозон бошида куймаланаётган Фаттоҳнинг ёнига келди.

— Ош қилаяпсанми, шавла-ми?

— Пишин кўрасан. Ҷар ҳолда сендан кўра фарқига борсам керак.

— Ҷали биз аҳмоғу, сиз доно бўлиб қолдингизми?

— Э... Борсанг-чи...

Нурилланинг жаҳли бурнининг учида турган эканини, шартта пичоқни олдида, Фаттоҳнинг қорнига тикди.

Қайнаб турган қозон ҳам, Ҷали очилмаган шиша ҳам қолиб кетди. Ҷанижон зудлик билан касалхонага елди. Оғайнларининг бирини касалхонага, иккинчисини ИИБга топшириб, ўзи гувоҳлик бера бошлади.

М. ИСРОИЛОВА.

ЁМОН ТУШ КЎРДИ

Эру хотинининг уруши, дока рўмолиниг қуриши эканлигини биласиз. Бу сафар эса бундай бўлмади. Қўрмағур рўмолиниг қуриши узокроққа чўзилди.

Тун эди. Ҷамама ширин уйқуда. Шу жумладан Давлатмуротовлар оиласи ҳам. Хотинининг уйқуси қочди. Шарт болгани олди-ю, эрининг бошига тушириб қолди. Нималар бўлаётганини тушулмаган эр чошиб ювиниш ҳонасига кирди. У ерда бошидан оқаётган қонини ювишга тутинди.

Кейинчалик судда берган кўргазмасида хотини: «Буни билмасдан қилиб қўйдим.

Уйқусираган бўлсам керак. Жуда ёмон туш кўриб, босинқираб ётган эдим», — деди. Шу опамиз бугун ёмон туш кўради, деб болгани шай турганини қаранг. Эрини ўлмаганини кўрган хотин талвасага тушиб қолди. Кўз ўнгида қамоқхонанинг панжаралари гавдаландими, жони ширин кўрниниб кетдими кўзига, ишқилиб унинг орқасидан бориб яна бир марта бошига болта билан туширди (уйқусини очилмаганини қаранг). Эрининг бу сафар қони қайнаб кетди. Ўзини ҳамоя қилиб, хотинининг қўлидан болтани тортиб олишга ҳаракат

қилди. Бундан кўрқиб кетган Г. Давлатмуротова бошқа хонага қочиб бориб яширинди.

Давлатмуротов зудлик билан касалхонага ётқизилди. Суд-тиббидан кўригининг хулосасига кўра унга ҳаёти учун хавфли бўлган оғир тан жароҳати етказилган.

Суд чоғи хотинга савол берилди:

— Хўш, биринчи марта-сига, майли, уйқусираб қилиб қўйган экансиз бу иш-ни. Иккинчисига сизни нима мажбур этди? Наҳотки уйқунгиз шунча вақтга-ча очилмади?

— Иккинчи марта такрор-